

कृ॒द्य॒जुषा॒न॒क्ति॒ द्वि॒स्तू॒क्ष्णो॑ तदु॒त्तर॒मे॒वैत॒दु॒त्तरा॒वत्क॒रोति॑ ॥ १६ ॥ तद्यत्प॒ञ्च कृ॒त्व आ॒न॒क्ति॒ । सं॒वत्स॒र॒संमि॒तो वै य॒ज्ञः प॒ञ्च वा॒ऽऽभू॒तवः॑ सं॒वत्स॒र॒स्य तं प॒ञ्चभि॒राप्नो॑ति
 तस्मात्प॒ञ्च कृ॒त्व आ॒न॒क्ति॑ ॥ १७ ॥ अथै॒नं दर्भ॑पवि॒त्रेण॒ पाव॑यति । अमे॒ध्यो वै पु॒रु॒षो यद॒नृतं॑ व॒दति॒ तेन॑ पू॒तिर॒त्तर॒तो मे॒ध्या वै दर्भा॑ मे॒ध्यो भू॒त्वा दी॒क्षाऽइ॒ति प॒वि॒त्रं वै दर्भाः॑ पवि॒त्रपू॒तो दी॒क्षा इ॒ति तस्मा॑दे॒नं दर्भ॑पवि॒त्रेण॒ पाव॑यति ॥ १८ ॥ त॒द्वा॒ऽए॒क॒ऽस्य॑त् । ए॒को ह्ये॒वायं॑ प॒वते॒ तदे॒तस्यै॒व त्रू॒पेण॑ तस्मा॑दे॒क॒ऽस्य॑त् ॥ १९ ॥ अथो॒ऽअ॒पि त्री॒णि स्युः॑ । ए॒को ह्ये॒वायं॑ प॒वते॒ सो॒ऽयं पु॒रुषे॑ऽन्तः प्र॒विष्ट॑स्त्रेधावि॒हितः॑ प्रा॒ण उ॒दानो॒ व्या॒न इ॒ति तदे॒तस्यै॒वानु॑ मा॒त्रां तस्मा॑त्त्री॒णि स्युः॑ ॥ २० ॥ अथो॒ऽअ॒पि सप्त॑ स्युः । सप्त॑ वा॒ऽऽमे शी॒र्षन्प्रा॑णास्तस्मा॑त्सप्त॑ स्युस्त्रिःसप्तान्ये॒व स्युरे॒कवि॑ंशतिरूपै॒व संप॑त् ॥ २१ ॥ त॒ऽसप्त॑भिः-सप्तभिः पाव॑यति । चि॒त्प॒तिर्मा॑ पुना॒त्विति॑ प्र॒ज्ञाप॑तिर्वै चि॒त्प॒तिः प्र॒ज्ञाप॑तिर्मा॑ पुना॒त्वित्ये॒वैत॒दाह॑ वाक्प॒तिर्मा॑ पुना॒त्विति॑ प्र॒ज्ञाप॑तिर्वै वाक्प॒तिः प्र॒ज्ञाप॑तिर्मा॑ पुना॒त्वित्ये॒वैत॒दाह॑ दे॒वो मा स॒विता॑ पुना॒त्विति॑ तद्वै सु॒पूतं॑ यं दे॒वः स॒विता॑ पुना॒त्तस्मा॑दाह॑ दे॒वो मा स॒विता॑ पुना॒त्वित्य॒हिद्रे॒ण पवि॑त्रेणे॒ति यो वा॒ऽअ॒यं प॒वत॑ऽएषो॒ऽहि॒द्रे पवि॑त्रमे॒तेनै॒तदाह॑ सूर्य॑स्य रश्मि॒भि॒रित्ये॒ते वै पवि॑तारो यत्सूर्य॑स्य रश्म॒यस्त॒स्मादा॑ह॑ सूर्य॑स्य रश्मि॒भिरि॒ति ॥ २२ ॥ त॒स्य ते पवि॑त्रप॒त॑ऽइति । पवि॑त्रप॒तिर्हि भ॒वति॑ पवि॑त्रपू॒तस्ये॒ति पवि॑त्रपू॒तो हि भ॒वति॑ यत्कामः पु॒ने त॒ह्ये॒क्यमि॒ति य॒ज्ञस्यो॒दृचं॑ ग॒ह्मानी॒त्ये॒वैत॒दाह॑ ॥ २३ ॥ अथा॒शि॒षामा॑रम्भं वाच॑यति । आ वो दे॒वास ई॒महे॒ वामं॑ प्र॒यत्य॑धरे । आ वो दे॒वास आ॒शि॒षो य॒ज्ञिया॑सो ह॒वामह॑ऽइति त॒दस्मै॒ स्वाः सती॑र्क्षवि॒ज्ञ आ॒शि॒ष आ॒शास॑ते ॥ २४ ॥ अथा॒ङ्गुली॑र्न्यच॑ति । स्वा॒हा य॒ज्ञं म॒नस॑ऽइति द्वे स्वा॒होरो॒रत्तरि॑क्षादिति द्वे स्वा॒हा द्या॒वापृ॑थि॒वीभ्या॑मिति द्वे स्वा॒हा वा॒तादा॑रभऽइति मुष्टी॒करो॑ति न वै य॒ज्ञः प्र॒त्यक्ष॑मिवा॒रभे॒ यथा॑यं दण्डो वा वा॒सो वा परो॑ऽक्षं वै दे॒वाः परो॑ऽक्षं य॒